

ԳԻՏԱԿԱՆ ԿՈՆՖԵՐԱՆՍ

Ս/թ հոկտեմբերի 11—12-ին տեղի ունեցավ ՀԽՍՀ ԳԱ արևելագիտության ինստիտուտի գիտական կոնֆերանսը: Բացման խոսքով հանդես եկավ ՀԽՍՀ ԳԱ փոխպրեզիդենտ, արևելագիտության ինստիտուտի դիրեկտոր, ակադեմիկոս Գ. Խ. Ստրգույանը, որը կանգ առավ կոնֆերանսի հետապնդած խնդիրների վրա: Կոնֆերանսում «Ինգիդնալ կոնֆլիկտներ, ծագումնաբանության և տիպաբանության հարցեր» զեկուցամար հանդես եկավ պատմական գիտությունների դոկտոր Ն. Հ. Հովհաննիսյանը: Ինգիդնալ կոնֆլիկտները, ասաց նա, իրենց այժմյան բնույթով հանգես եկան երկրորդ համաշխարհային պատերազմից հետո, գլխավորապես «սառը պատերազմի» ու դրան հաջորդած տարիներին և մեծապես ռազմաքաղաքական երկու հակադիր խմբավորումների միջև եղած հակամարտության արդյունք են: Ուղղակի ռազմական բախումից խուսափելով՝ դրանք հակամարտությունը տեղափոխեցին «Օտարի դաշտ»-ը: Այդ կոնֆլիկտները հիմնականում առաջանում են Ասիայում ու Լատինական Ամերիկայում և իրենց դրսևորման ձևով ու զարգացման դինամիկայով տարբերվում են ինչպես տեղային, այնպես էլ գլոբալ կոնֆլիկտներից: Դրանք, սակայն, ավելի հարուստ են գլոբալ կոնֆլիկտներին, քանի որ պարունակում են համաշխարհային կոնֆլիկտի վերածվելու միտում: Զեկուցողը ռեգիոնալ կոնֆլիկտները տիպաբանորեն բաժանեց չորս խմբի և նկատեց, որ դրանցից յուրաքանչյուրը կոնկրետ լուծում է պահանջում: Այժմ, վերջում՝ նշեց Ն. Հ. Հովհաննիսյանը, երբ միջազգային հարաբերություններում ուղի է հարթվում քաղաքական նոր մտածելակերպը, ռեգիոնալ կոնֆլիկտների հաղթահարման համար ավելի նպաստավոր պայմաններ են ստեղծվել:

Պատմական գիտությունների դոկտոր Հ. Մ. Եզանյանը զեկուցեց «Իսլամական պետության խոմենյու կոնցեպցիան» թեմայով: Նա նշեց, որ անցել է տաս տարի, ինչ իրանում հաստատվել է իսլամական հանրապետություն, սակայն մինչև այժմ էլ հստակ պարզ չէ, թե ո՞րն է իսլամական պետության էությունը: Ինչպես երևում է իսլամական պետության հիմնադիր խոմենյու աշխատություններից ու բանավոր ելույթներից, նա Լրբեք լիբերալ դադափարների կողմնակից չի եղել: Խոմենյու «Իսլամական կառավարումը» գրքում խոսվում

է «Իսլամական համայնքի» և ոչ թե «իրանական ժողովրդի» մասին: Նրա կարծիքով, կառուցվածքային փոփոխությունների հարկ չկա, քանի որ նախկին վարչակարգի կողմից «փշաքած» ղեկավարների վտարումից հետո նոր ղեկավարները կդառնան բարոյական բարձր արժեքներ ունեցող մարդիկ: Խոմենյու կարծիքով՝ դեմոկրատիան արևմտյան հասկացություն է, որը բացարձակապես անհամատեղելի է իսլամի հետ: Ինչ վերաբերում է գործադիր իշխանությանը, ապա խոմենյու կարծիքով՝ քանի որ իսլամական հասարակարգի ժամանակ միայն ալլահն է իրավասու օրենքներ հաստատելու, ապա օրենսդրական ժողովը պետք է փոխարինվի պլանավորման ժողովով: Վերլուծելով իսլամական պետության հիմունքները, զեկուցողը հանգես այն եզրակացության, որ դրանք միայն սոսություններ են և անցած տաս տարիների ընթացքում չիրականացան:

Պատմական գիտությունների դոկտոր Շ. Խ. Մեռյանը իր զեկուցումը նվիրեց 1920-ական թվականների քրդական շարժումների գնահատությանը: Դրանք զեկուցողի դնահատմամբ պատմագիտական գրականության մեջ ճիշտ չեն արժեքավորվել: Դրանք բնույթի և գնահատման հարցերում ակներև են գոհհիկ սոցիոլոգիզմը և պատմականության բացակայությունը: Շ. Խ. Մեռյանը քննվող ժամանակաշրջանի պատմաքաղաքական հանգամանքների, ժողովուրդների, ինքնորոշման իրավունքի և այդ մասին մաքսիստական տեսական դրականության հիմնադրողների մանրազնիքն քննությամբ ցույց տվեց 1920-ական թվականներին ազգային անկախության համար քրդերի պայքարի ուղեկատվող պատմական օրինաչափությունը և արդարացիությունը: Նա նշեց, որ «անհրաժեշտ» հասկացության բնութագրման ու դեմոկրատական արդարացի հաշտության կնքման պայմանների մասին Վ. Ի. Լենինի արտահայտած էություններն և մեր երկրի իշխանությունների կողմից քաղաքական քայլերի միջև եղած տարբերությունը ճանապարհ հարթեց թուրքական լծի տակ տառապող ժողովուրդների՝ քրդերի, հայերի, հույների ազգային նպատակների խեղաթյուրված ներկայացման ու գնահատման համար: Հետաքրքրական էին զեկուցողի վստահարկումներն իմպերիալիստական պատերազմի քաղաքացիական վերածելու լոգոնգի ու լրատվալար բնույթի և նման պարագաներում միտ-

կողմանիորեն Ռուսաստանի սոցիալ-դեմոկրատ-ներին կողմից պարտվողականության քաղաքականության հռչակման նպատակահարմարության մասին: Այդ քաղաքականությունը հանգեցրեց Քրեմլի պայմանագրին ու Սևրի պայմանագրին ի շիր դարձնելուն և պատերազմում պարտված Թուրքիայի կողմից ոչ միայն նվաճված քրդական, հայկական և այլ տարածքների պահպանմանը, այլև Արևելյան Հայաստանի հաշվին նորերի ձեռքբերմանը: Շ. Խ. Մհոյանի կարծիքով հարցերի այս համակարգը կարոտ է վերադնշահատման ու պատմական ճշտորոշման:

Պատմական գիտությունների թեկնածու Վ. Լ. Վաղարշյանի գնկուցումը նվիրված էր իսլամի և արաբական ազգայնականության փոխազդեցության ասպեկտներից մեկին: Նա նկատեց, որ իսլամական աշխարհում առկա են ինչպես կենտրոնաձիգ, այնպես էլ կենտրոնախույս միտումներ: Վերջիններս ձևավորվում են մասնավորապես ազգայնականության դրոշի ներքո: Ազգայնական գաղափարախոսություններում իսլամի օգտագործումն այս կամ այն չափով հատուկ է մահմեդական համայնաբուրդը երկրներին: Արաբական երկրներում այս երևույթն առավել բնական է արտահայտվում, քանի որ իսլամն արաբական միջավայրի ծնունդ է, արաբ ժողովրդի պատմական ժառանգության հիմնաքարը և որոշակի ժամանակաշրջանում, այն է՝ վաղ միջնադարում, ընկալվել է որպես մի յուրօրինակ ազգային կրոն: Սակայն հետագայում, զանազան հանգամանքների բերումով, այն կորցրեց իր ազգային դեմքը, ապազգայնացվեց, իսկ իրենք՝ արաբները, դուրս մղվեցին մահմեդական համայնքի առաջատար դիրքերից: Արաբական ազգայնականության գաղափարախոսության զարգացումն իր հետ բերեց իսլամն արաբներին վերադարձնելու, և այն օտար, հատկապես թուրքական տարրերից ազատելու միտումը: Դա են ապացուցում Մզհպտոսի, Լիբիայի և Սաուդյան Արաբիայի պաշտոնական գաղափարախոսությանը համապատասխան գրույթները:

«Երկու տեսակետ հայերի ցեղասպանության պատճառների վերաբերյալ» զեկուցմամբ հանդես եկավ պատմական գիտությունների փակուրդ Զ. Գ. Իճեխյանը: Օսմանյան կայսրությունում հայերի ցեղասպանության պատճառների վերաբերյալ, ասաց նա, գոյություն ունի երկու կարծիք: Առաջինն այն է, որ հայ ազգային կուսակցությունների գործունեության և մեր ժողովրդի հասարակական կյանքի ակտիվացման հետևանքով թուրքական վերնախավն ուժեղացրեց հայերի հանդեպ բռնությունները և ի վերջո դիմեց ցեղասպանության:

Մինչդեռ հայ մեծահարուստները պահանջում էին քաղաքականության մեջ պահպանել շեղոք դիրքեր և լինել հավատարիմ հպատակներ, ինչպես հրեաները: Այդ խորհուրդը հայերը չսեցին և դրա պատճառով պատժվեցին: Թուրք չարդարարները և ժամանակակից պետական ու հասարակական գործիչները, հատկապես մտավորականությունը, որդեգրեցին այդ տեսակետը: Երկրորդ տեսակետն այն է, որ մեր ազգային որդերգությունը ծրագրված և նախապատրաստված հանցագործություն էր մարդկության հանդեպ: Սկզբնական շրջանում պլանավորվում էր համաձուլելու միջոցով (օսմանիզմ) վերջ տալ երկրում ոչ թուրք տարրի գոյությանը: Հետագայում, երբ գործնական քաղաքականությունն ևրակտոր դարձան պանիսլամիզմի և պանթուրքիզմի գաղափարախոսությունները, երբ բալկանյան ժողովուրդներն ազատագրվեցին թուրքական լծից, թուրքներն իրենց ազգային իդեալի՝ մեծ Թուրան ստեղծելու ճանապարհին արգելակող հանգամանք դիտեցին հայերին: Դրա հետևանքով հայերի բնաջնջման և Հայաստանի ոչնչացման ծրագիրը ճշտվեց ու կոնկրետացավ, եզրակացրեց զեկուցողը:

«Օսմանիզմի գաղափարախոսությունը և րիտ-թուրքական գործիչ Ջեմալ Նուրիի աշխատություններում» զեկուցման մեջ պատմական գիտությունների թեկնածու Ա. Հ. Փափազյանը նշեց, որ օսմանիզմի գաղափարախոսությունը ծնունդ է առել դեռևս XIX դ. I կեսին: Այն Օսմանյան կայսրության պետական մարմինների քաղաքական գործունեության ասպարեզ է մտել հիմնականում նպատակ ունենալով իրականացնել Թուրքիայի ոչ մահմեդական ժողովուրդներին մեկ օսմանյան ազգության մեջ միաձուլելու ծրագիրը: Այդ գաղափարախոսությանը թուրքական կառավարողները ձգտում էին կանխել կայսրությունում բուռն կերպով աճող ազգային-ազատագրական շարժման վտանգը: Ապա զեկուցողը կանգ առավ երիտ-թուրքական հայտնի գործիչ Ջեմալ Նուրիի՝ այլ ազգություններին օսմանացնելու խնդրում արտահայտած գաղափարների վրա: Ջեմալ Նուրին Թուրքիայի ոչ մահմեդական ժողովուրդներից բացահայտորեն պահանջում էր հաշտվել իրենց իրավազուրկ վիճակի հետ և հրաժարվել ազգային ձգտումներից: Նա ամեն կերպ ձգտում էր համոզել, որ հայերը, քրդերը և արաբները չպետք է պայքարեն իրենց ազատագրության համար, քանի որ Թուրքիայում տիրապետող կարգերը, որոնք հիմնված են մահմեդական կրոնի վրա, ամենաառաջավորն ու իդեալականն են: Փաստորեն, Թուրքիայում իսկական քաղաքացի էին հռչակվելու միայն թուրքերը կամ նրանք, ովքեր կթրքանային, կոռուսան-

լին սեփական լեզուն և կձուլվեն թուրքերի հետ:

Հանդես գալով «Օսմանյան կայսրությունում բարեփոխությունների քաղաքականության գնահատման հարցը» ղեկուցմամբ, պատմական գիտությունների թեկնածու Մ. Տ. Բոքալյանը նկատեց, որ օսմանյան պետությունը ճգնաժամային հասարակարգի մի մոգել է, բազմազգ մի կայսրություն, որը բարեփոխությունների օգնությամբ փորձում էր խուսափել փլուզումից: Փրկության դեղատոմսը պարունակում էր հետևյալ առաջարկները. ա) պետական սեփականության ձևերից անցնել մասնավոր սեփականության, բ) ստեղծել ժամանակի պահանջներին համապատասխանող վարչապետական համակարգ՝ օրենսդիր մարմիններ, կրոնից անկախ դատարաններ և այլն, գ) հույսով լրացր հպատակների իրավահավասարություն և այդպիսով հպատակ ժողովուրդներին պահել կայսրության կազմում: Հույսոված բարեփոխությունները հիմնականում կրում էին ղեկավարատիվ բնույթ և կոչված էին թուրքական գերիշխանությունը հավերժացնելուն ու կայսրության տարածքային ամրոջակապությունը պահպանելուն: Հենց այս նպատակներն էլ պայմանավորեցին կայսրության կործանումը:

«Սելջուկների Փոքր Ասիա ներթափանցման հարցի շուրջը» ղեկուցման մեջ շ. Շ. Չաֆչյանը նշեց, որ սելջուկ ցեղերի ներթափանցումը Փոքր Ասիա սկսվել է XI դ. 50-ական թվականների վերջերին, իսկ նույն դարի 70—80-ական թվականներին նրանք նվաճել են այն ժամանակակից պատմագիտության մեջ, ասաց ղեկուցողը, իշխում է այն տեսակետը, թե սելջուկների ներթափանցումը Փոքր Ասիա, սելջուկյան սուլթանների նպատակային քաղաքականության հետևանքն է և որ սուլթանները, որպեսզի ազատվեն քոչվոր ցեղերից, որոնք խոչընդոտում էին նրանց ծրագրերը, իրենց ցեղակիցներին գիտակցաբար մղել են դեպի Փոքր Ասիա: Չնայած նման քաղաքականության առկայությունը կասկածից վեր է, լպետք է մոռանալ և այն հանգամանքը, որ դա պայմանավորված էր քոչվոր ցեղերի՝ Միջին Ասիայից դեպի Մեծ սելջուկյան պետության տարածքը կատարվող գաղթներով, որոնք սուլթանների համար բարդություններ էին առաջացնում: Հետևաբար, խոսելով սելջուկյան ցեղերի Փոքր Ասիա ներթափանցման մասին, պետք է հիշել ցեղերի գաղթների փաստից, հաջվի առնելով նաև նրանց և սուլթանների փոխհարաբերությունները, որոնք հաճախ կրում էին հակամարտ բնույթ:

ՀեՄՀ ԳԱ ակադեմիկոս Գ. Խ. Սաբալյանը ղեկուցեց «Նաիրի երկրները և Նաիրի երկրներ» թեմայով: Նրա ղեկուցումը հանգեց հետևյալին.

ասուրական ազգությունների «Նաիրի» անվանումը ըստ երևույթին իր հիմքում ու թև տեղանուն կամ ցեղանուն է, այլ ունի սոցիալական իմաստ ու, թերևս, նշանակում է «ցեղային» (այսինքն՝ դեռևս պետականություն չունեցող) աշխարհ: Այդ պիտի լինի պատճառը, որ ասորեստանցիները նախապես (սկսած մ. թ. ա. XIII դ.) նրանով հորջորջում էին իրենց երկրի հյուսիսակողմը, այսինքն՝ Հայկական լեռնաշխարհը, իսկ հետագայում (մ. թ. ա. IX դ. վերջին—VIII դ. սկզբներին), մի կողմից հայ ժողովրդի կոնսոլիդացման, մյուս կողմից՝ Ուրարտու պետության զորեղացման հետևանքով, «Նաիրի» անվանումը տեղափոխեցին հյուսիս-արևելյան, դեպի Կասպից ծովի հարավային ափերը ձգվող երկրամասի վրա (հետագայի Ատրոպատականը), որտեղ տակավին զարգանում էր ցեղային աշխարհը:

Պատմական գիտությունների դոկտոր Ն. Վ. Հաբալյանը իր ղեկուցման մեջ կատարեց մի շարք ճշգրտումներ, որոնք վերաբերում են Վանա լճից հյուսիս Բաղնոցի մոտ հայտնաբերված՝ Մենուա թագավորի երեք արձանագրություններին: Դրանք 1960 թ. «Anatolia» ամսագրում հրատարակել է Քեմալ Բալկանը: Զեկուցողի առաջարկած ազդրումները հնարավորություն են ընձեռում լուսաբանելու Ուրարտուի հետ կապված մի շարք կարևոր հարցեր: Մյուս կողմից, արձանագրությունները նպաստում են ճշգրտելու Արգիշտի I-ի Խորխորյան տարեգրության որոշ հատվածների վերականգնումներն ու մեկնաբանությունները:

Էրլայում գտնված կանացի արձանիկներին ու Անահիտ աստվածուհու ազմաններին էր նվիրված բանասիրական գիտությունների թեկնածու Ն. Ա. Մկրտչյանի ղեկուցումը: Զեկուցողի կարծիքով նախամոր, Մեծ մոր աստվածության պաշտամունքը գալիս է դարերի խորքից և տարբեր ժողովուրդների մեջ այլ անվանումներ է ունեցել. ավելին, նույնիսկ նույն ժողովրդի մեջ այն տարբեր ժամանակներում զանազան ձևով է կոչվել: Հայոց մեջ հեթանոսական շրջանում կոչվել է Անահիտ, Նանա, իսկ քրիստոնեական մուսուլման հետո՝ տիրամայր, Պառավ և այլն: Այնուհետև, հիշելով 1970-ական թվականներին էրլայից պեղված կանացի արձանիկների և հայկական ազմաններին նմանությունից, Ն. Ա. Մկրտչյանն առաջ քաշեց այն վարկածը, որ դրանք քրիստոնեություն մուսուլման հետ ոչնչացված կուտքերն են և որ հայոց մեջ կուտքերի անլեզալ պաշտամունքն ի վերջո հանգեցրեց դրանց ազմանների վերածվելուն: Զեկուցողը նկատեց, որ այդ նմանությունը թույլ է տալիս ենթադրություններ

անել Հարևան սեմիտների հետ Հայաստանի ժողովուրդների սերտ կապերի մասին:

«Էթնո-քաղաքական իրադրությունը հարավ-արևելյան փոքր Ասիայում» զեկուցման մեջ պատմական գիտությունների թեկնածու Ա. Վ. Քոսյալեը նշեց, որ փոքր Ասիայի հարավ-արևելյան շրջաններից հայտնաբերված լուվիերեն ութ արձանագրությունների համեմատությունը թույլ է տալիս եզրակացնելու, որ այստեղ մ. թ. ա. XII—XI դդ. խեթական պետության անկումից ոչ շատ անց ստեղծվել է լուվիական մի հողոր քաղաքական միավորում: Վերջինս փոքր Ասիայի արևելքում կազմավորված Մեդիդ և Կարաամիս պետությունների հետ խեթական պետության ժառանգորդներից մեկն էր: Սա թույլ է տալիս ենթադրելու, որ մ. թ. ա. 1200 թ. սահմաններում խեթական պետությունը ոչ թե արտաքին հարվածներից կործանվել է, այլ լուվի կորցրել է նախկինում իր նվաճած որոշ տարածքներ՝ կենտրոնական և արևմտյան փոքր Ասիան: Այդ իրադրությունը կարելի է պատկերացնել որպես կայսրության, այլ ոչ թե պետականության կործանում: Զեկուցողը քաղաքական իրադրությունների այս հենքի վրա փորձեց հերքել փոյուգիական և ռեսիսահայկական ցեղերի գաղթը փոքր Ասիայի արևմուտքից դեպի Հայկական լեռնաշխարհ: Նա մասնավորապես այն կարծիքը հայտնեց, թե Հայկական լեռնաշխարհի արևմտյան շրջաններում ասորիստանյան արձանագրությունների հիշատակած մոդերը ոչ թե Բալկաններից եկվորներ էին, այլ խեթական աղբյուրներից հայտնի Հայաստանի բնակիչները:

Պատմական գիտությունների թեկնածու Ա. Ա. Բոգոյանը զեկուցեց «ԺԲ դարի 60—70-ական թվականների հայ-բյուզանդական եկեղեցաքաղաքական փոխհարաբերությունների վավերագրերը (կաթողիկոսական թուղթ)»-ի մասին: Նա նշեց, որ XII դ. հայ-բյուզանդական փոխհարաբերությունները մուտք են դրածում նոր շրջանի: Կիլիկիայի Ռուբինյան իշխանությունը և Հռոմկլայի հայոց կաթողիկոսարանը քաղաքական պայքարի տարբեր ճանապարհներով փորձում են վերականգնել Հայոց թագավորությունը, հասնել նրա միջազգային ճանաչմանը: Զեկուցողը քննելով այդ ժամանակաշրջանից մեզ հասած փաստաթղթերը, ցույց տվեց, որ դրանց վերնագրերը բնագրային չեն և ավելացված են Հռոմկլայի ու Կոստանդնուպոլսի նոտարիատներում: Կաթողիկոսական վավերագրի թղթառաջի ուսումնասիրությունը ցույց է տալիս, որ եկեղեցաքաղաքական բանակցություններում կաթողիկոսն իրեն ստորագրատու է բյուզանդական կայսերը: Կոստանդնուպոլսի առաքված կաթողիկոսական թղթերը գրված են հայերենով. այդ է վկա-

յում այդ վավերագրերից մեկի XII դարում կատարված հունարեն թարգմանության վերնագիրը: Թղթերի բանաձևերից պարզվում է, որ Հռոմկլայում գրված վավերագրերը Կոստանդնուպոլսիս են հասել երեք ամսվա ժամանակամիջոցում:

Ի. Մ. Ուսալյովայի զեկուցման խորագիրն էր՝ «Վահրամ Զուրինի ապստամբության շրջանի բյուզանդա-իբանական հարաբերությունները և հայ ավագանու դիրքորոշումը»: Զեկուցման մեջ քննվեց Իրանի ու Բյուզանդիայի պատմության VI դ. առավել դրամատիկ դրվագներից մեկը՝ Վահրամ Զուրինի ապստամբությունը: Չնայած այդ իրադարձությունները միշտ էլ գտնվել են հետազոտողների տեսադաշտում, նրանք ուշադրություն չեն դարձրել այն փաստի վրա, որ Բյուզանդիայի արևելյան քաղաքականության հիմնական նպատակն Արևելքում առկա քաղաքական ուժերի հավասարակշռության պահպանումն էր: Ինչ վերաբերում է Լուդ հարցում հայ ավագանու դիրքին, ասաց զեկուցողը, ապա արար պատմիչ Դիոնիսիոսի համաձայն, միակ իրանական մեծատունը, որը հրաժարվեց աշակցել բռնատիրոջին, հայ Մուշեղն էր: Այդ հեղինակի հաղորդումից տեղեկանում ենք, թե հայ նախարարն ինչպիսի բարձր դիրքի կարող էր հասնել Սասանյան արքունիքում: Առանձնապես ուշագրավ է, որ այստեղ իբրև լեգիտիմիզմի սկզբունքների պաշտպան է հանդես գալիս հայ մեծատունը:

Պատմական գիտությունների դոկտոր Պ. Մ. Մուրադյանն իր զեկուցումը նվիրեց Նիզարի ծածկագրության թվականի ճշտմանը: Նա իրավացիորեն նկատեց, որ վաղ միջնադարյան հայկական վիժագրերից առեղծվածների հարց-ստույգում բացառիկ է Նիզարի բաղիլիկի միատող վիժագիրը, ուր հոգմահարված կամ ընկած հատվածները վերականգնելու դժվարությունը գտնարվում է կցագրերի ու փակագրերի առատությունը, իսկ վերջինս՝ թվային արժեքներ բովանդակող ծածկագրությունը: Արձանագրության քննությունից պարզվում է, որ գումարագիր և փոխարինագիր եղանակով շորսանգամ ծածկագրված է 660 թվականը: Այն փաստորեն տաճարի կառուցման կամ վերականգնման թվականն է, որով սրբագրության են ենթարկվում ճարտարապետության պատմության, թվարկության համակարգերի գործածության ժամանակագրության, հնագրության ու մշակութային պատմության մի շարք գրություններ: Զեկուցողի կարծիքով որոշակի հիմքեր կան պնդելու, որ վիժագրի տեքստի կազմողը Անանիա Շիրակացին է, որով Պ. Մուրադյանի շուրջ 15 տարի առաջ հրապարակած նախնական հաղորդման հարցադրումները լիովին հաստատվում են:

«Նոր էշեր և ճշգրտումներ Եղիա Մուշեղյանի կյանքի և գործունեության վերաբերյալ» գեկուցմամբ հանգես եկած Լ. Գ. Դանեղյանը նկատեց, որ XVIII դ. երախտավորներից մեկի՝ զրասեր, բանահավաք, հասարակական գործիչ, վաճառական Եղիա Մուշեղյանի մասին եղած գրականությունն առայժմ մեծ չէ, սակայն արգեն պարունակում է մի շարք անճշտություններ, որոնք վերաբերում են Եղիա Մուշեղյանի Դիվանի վերաբերյալ գրառումներին, քաղաքական-հասարակական հայացքների մեկնադրմանը, կյանքի առանձին գրվածքների քաղաքականությանը, Բավական է նշել, որ ճշգրտելի է անգամ Եղիա Մուշեղյանի ծննդյան թվականը, Մյուս կողմից, ասաց գեկուցողը, Մուշեղյանի Դիվանին ի մոտ ծանոթությունն ի հայտ է բերում նոր փաստեր, որոնք նրա կյանքի ու գործունեության պատկերը լրացնելու սրող հնարավորություն են ընձեռում, միաժամանակ տալով հայ վաճառականի հավաքական կերպարը և կոլեաներ՝ վերականգնելու ժամանակին բնորոշ պատմական պրոցեսի այնպիսի կապակցությունների նկարագիրը, ինչպիսին է, օրինակ, անհատականություն-վարքագիծ-մտածողություն եռյակը:

Ֆրիդի հայատառ պարսկերեն քառյակը քրնեություն ենթակելու բանասիրական գիտությունների թեկնածու Հ. Հ. Մովսիսյանը նշեց, որ այն սկսած 1952 թ. հետաքրքրել է հայ բանասերներին: Ապացուցված է այն ճշմարտությունը, որ Ֆրիդը, իրոք, տիրապետել է պարսկերեն լեզվին, քաշ ծանոթ է եղել պարսկական պոեզիային և հայատառ դարձնելով պարսկերեն քառյակը, ինքն էլ թարգմանել է այն և գետնել իր «Դիվանում» խնդիրն այն է, որ մինչև այժմ քառյակի հեղինակն անհայտ է: Զեկուցողն իր հայտնաբերած փաստական տվյալներից ելնելով եղրակացրեց, որ քառյակի ամենահավանական հեղինակը Ֆրիդին համարյա ժամանակակից XII դ. նշանավոր պարսիկ միստիկ բանաստեղծ՝ Ջալալ Նդդին Ռումին է:

Բանասիրական գիտությունների թեկնածու Ա. Ի. Կոզմայանի գեկուցման թեման էր՝ «Նարեկացի և Ռուդաբի (պատմա-համեմատական

ուսումնասիրության փորձ)»: Նարեկացին և Ռուդաբին (պարսկական դասական գրականության հիմնադիրը), նշվեց գեկուցման մեջ, ապրել և ստեղծագործել են X դ.՝ արևելյան աշխարհի տարբեր ոեգիտներում, դավանել են տարբեր կրոններ, պատկանել տարբեր էթնոսների և ստեղծագործել են տարբեր ժանրերով: Նրանցից մեկն ազդարարել է աստվածային սերը, մտածելով սիմվոլներով, իսկ մյուսը՝ աշխարհիկ սերը, մտածելով կենդանի պատկերներով: Կուշիյի գովերգել է աստծուն ձաղկելով իրեն, մյուսը դովերգել է սիրունուն, մեկնաստին և ինքն իրեն: Սակայն երկուսն էլ էլիտար արվեստի շատագույներ են, ծառայում են երկու հոգի սոցիալական ինստիտուտների (եկեղեցի, արքունիք): Նրանց արվեստն ուներ որոշակի նպատակաուղղվածություն և սոցիալական կողմնորոշում: Այդ բոլորը ծնում էին նրանց պոեզիայի տիպաբանական ընդհանրությունները, որոնցից են գեղարվեստական խոսքի նկատմամբ ունեցած մոտեցումը (հանդիսավոր պերճախոսություն), նկարագրման մեթոդը (իդեալականացում) և այլն:

«Արբի Հովհաննիսյանը և իրանական թատրոնի «Նոր ալիք» թեմայով գեկուցմամբ հանգես եկած լրանասիրական գիտությունների թեկնածու Լ. Հ. Շեխյանը մասնավորապես նկատեց, որ պարսիկ հեղինակների վկայությամբ իրանում նոր, եվրոպական բնույթի թատրոնի սկզբնավորման և զարգացման գործում 1960—70-ական թվականներին աչքի ընկնող դեր է խաղացել թատերական գործիչ Արբի Հովհաննիսյանը: Նա գործունեություն է ծավալել Իրանի ազգային ուղիղի և հեռուստատեսության փորձարարական թատերական ստուդիայի, արվեստի իրանական միջազգային ամենամյա փառատոների, ինչպես նաև դանազան թատերախմբերի շրջանակներում: Այդ գործունեության առանցքը համաշխարհային թատերարվեստի նորագույն նվաճումների և իրանական գեղարվեստական ավանդական միջոցների համաձուլումն էր:

Գիտական կոնֆերանսի արդյունքներն ամփոփեց Գ. Խ. Սաբալյանը: